

安徽通志金石古物考稿

安徽通志稿

南陵徐乃

金石古物考四

石刻碑誌三

宋

贈少保汪公神道碑在涇縣水西錢衝白雲山左

王書拓本未見  
據涇縣志錄入

宋故宣奉大夫顯謨閣待制贈少保汪公神道碑

檢校少傅保信軍節度使知宣州軍州事兼管內勸農營田使

新安郡開國公食邑五千二百戶寔食封二千一百戶汪伯彥

題額

顯謨閣學士左中大夫提舉江州太平觀德興縣開國伯食邑

九百戶賜紫金魚袋汪藻撰



右朝散大夫新改差知台州軍州兼管內勸農事借紫金魚袋  
吳說書

公諱澣字仲容姓汪氏惟汪氏世次綿遠古有汪罔氏者當三代  
時國于封禺之山其人皆魁梧壽考漢張衡所謂跨汪氏之魚龍  
是也或曰汪姬姓也魯成公支子食采於汪因氏焉故哀公十一  
年童汪錡死齊師之難為孔氏所褒自漢訖陳漫不見史隋唐之  
際始班班有人曰華曰綱率以武顯而其人皆本黠歛公宣城新  
建里人也宣城于黠歛為近豈其族蕃大歲久而遷焉公曾祖文  
戩祖元亨父衮皆未嘗出仕衮以公故贈朝請大夫自秦絕學六  
經無全書至漢諸儒各以顯門相傳授然泥於訓故後世疑焉宋  
興百餘年王文公安石以經術輔天子於時學者滿天下非王氏  
不宗方訓釋之初公寔與其議又首傳其說故命世則為醇儒立

朝則為名臣居官則為循吏非師友淵源有所自者能如是乎公  
結髮嗜讀書當嘉祐治平士未知經之時已能專意義學手筆口  
誦晝談夜思聞吳興胡瑗有大名提易書以往得其所學既從王  
氏遊遂於諸經無所不通會初成大學增弟子員求人可為諸生  
領袖者獨公與李圖南分錄學事人莫不榮之自是天子聞公名  
書於屏間有用公之意而神宗棄天下矣公年四十餘始以元豐  
八年登進士第調舒州懷寧主簿丁內艱喪除調鼎州司理叅軍  
時太守興學聞公至喜曰為諸生得師矣繇是方湖湘千里間學  
者趨之經公指授皆有師法薦者交章遷瀛州防禦推官知歙州  
黟縣專用靜治教條皆可師若辨偽券以適民欺築長堤以除水  
害至今為邑所祀召為太學正改宣德郎陞博士以病不樂留京  
師得僉書奉國軍節度判官還朝授太常寺主簿屬徽宗親政事



選用人材除公秘書丞以朝奉郎充諸王府翊善遷國子司業皇子為王詔擇端亮鯁直有文學政事之人為王府屬以公應選兼記室尋對便殿賜緋衣銀魚大觀二年遷國子祭酒兼定王嘉王翊善逾年擢中書舍人累遷朝議大夫久之大司成闕宰相未知所議時公攝右史侍傍徽宗顧公曰汪澥可也未幾以議學制不合除顯謨閣待制知婺州上惜公遠去朝廷留知潁昌府推行錢幣如詔旨進中奉大夫移陳州明年移壽州未幾又移應天府慨然曰吾可以歸矣即抗章以聞除提舉西京嵩山崇福宮舟行及盱眙遂請老未受命而卒春秋七十有五積官至通議大夫詔贈宣奉大夫官其四孫從優數也公行與學為時所尊平居退然與物無競至辨論經義則毅然以身任之自布衣錄天子學事及為博士司業以至任大司成之官官以儒名者幾三十年朝廷法度

更張公未嘗不與每諸儒商確公援古義而言從容折衷聞者亡  
不厭服故紹聖中修學制則為編類官崇寧中置講司議禮局則  
為檢討詳定官洎為侍臣又必兼勸講之職其言涉規戒者天子  
未嘗不改容而聽焉公亦自謂得聖人指歸所至喜為持論方吏  
州縣部使者或受業焉晚歲為州時時詣學宮為諸生講說至忘  
食飲雖老不衰為記室時妃嬪有以王書句讀屬公者公辭非其  
職不聽及出守將行又請公釋其音遣中貴官餉物甚厚公一不  
受人方知公名聞禁中公雖喜談經而言語妙天下少從有司試  
必處其尤至奏賦崇寧中又為天子嗟賞其掌帝制温厚閎深一  
篇出人爭誦之然雅非其好不自以為能也遇人無貴賤長幼一  
本于誠居家未嘗問有無所臨州郡稍廩之入率取其薄而痛裁  
其贏然親舊恃公為生者至不可勝數所著書有詩書講義六卷

孟子句解十四卷詩義釋音三十篇詔誥三卷樂章一卷文集三十卷藏於家紹興九年公之葬涇縣錢衝之原也二十四年矣公之子伯虎以書抵其同宗汪藻而告曰先公之葬有年雖銘詩已納諸幽室而墓道之碑未立惟子從先公最舊可辭當是時公以伯虎恩屢贈少保令人胡氏亦累封慶國夫人子伯龔為宣教郎知江州瑞昌縣伯虎為朝奉大夫監摧貨務都茶場諸孫汝則為朝散郎通判紹興府汝嘉通直郎通判通州汝文脩職郎廣陽軍漢陽縣簿汝言迪功郎處州青田丞汝舟將仕郎伯龔汝文汝言雖已前卒而汝成汝立汝弼汝勵汝修皆有行能巖然向立而未艾也公之後何其盛歟藻以子姓出公之門書公平生職也然其辭已載幽室之刻故姑掇其大者而述焉銘曰孔氏既沒六經中徵士守章句失其指歸熙寧喟然興以義學公承厥傳為世先覺

國有大義法當罷行孰能授經繫我老成進陪賢王奉以師友退  
程行能亦訓其胄遂入禁闥掌王贊書始終儒官垂兩紀餘政事  
文章雖不汲汲出為數州人莫能及在昔賢哲恥崇空言公奚不  
窮恃有本原子孫繩繩盛德之後豐碑所臨過者回首

右宋贈少保汪澥碑汪藻撰吳說正書汪伯彥題額隸書尤奇  
偉人多以伯彥書而薄之按宋史澥本傳旌德人碑云宣州之

新建人宋史傳甚略而碑頗詳可以補史之闕然其文有曰其  
辭已載幽室之刻故姑撮其大者述焉是尚有墓誌更詳惜不

得而見之

趙紹祖涇川金石記

蕪湖縣新學記

在蕪湖縣

石高四尺二寸廣三尺二寸四分行八寸  
六字正書拓本未見據金石萃編錄入

蕪湖縣新學記



學校者教化之宮民俗善治由此出也三代聖王靡不尚之自一家一鄉一國上達王都無不立學故能薰蒸陶冶草易民情不自知而趨於善焉辟諸天地山川之氣滲漉浸灌無跡可尋而勾萌孚甲短長小大自生自植孰知亭毒之功哉  
皇帝嗣位十有七年即行在所建國學收召英髦張官立師教養其中天下翕然知上意之所嚮也八月上丁蕪湖縣釋奠于先師邑子鵠立棊布以陪祀事凡在位者百人童子不獲預升降駿奔之列而觀禮於旁者亦復稱是鄉人父老咸歎相禮之盛儀矩之肅雖承平無事之前有不逮及益知上之化下疾於影響也

獨廊廡焚圮墻壁頽壞一室歸然丹堊漶漫生師無所舍禮器無所處視浮屠老子之宮彼非朝廷尊崇無學士大夫歸往其

徒嚴奉廟貌儼若縣吏相尤以為詬病非一日矣知縣事右承議

卽楊援奮然出力知當任咎曰吾嘗儲材于某積財于某於此不用其將如何立召梓人匠師相與謀作室規範畚築先興萬杵雷動斤斲朽壤陶茅丹雘群工獻能疾於薙刈為講堂齋官廊廡門闕凡四十楹繪從祀諸子於廡下又率縣僚邑子相與釋菜於是縣民上下始信學校為教化之宮而含齒戴髮之類不可一日亡學也屬筆於僕使為之記因為之言曰蕪湖地里不見於六經前漢尚為東諸侯之國後漢封蕪湖侯始見於書晉元帝南渡之後蕪湖名字班班見於書矣明帝討王敦陰察其營壘帝紀地里志皆以為于湖世俗訛而為湖陰至唐隸宣之當塗本朝太平興國中以當塗為州遂為屬縣前人故蹟則晉明帝留鞭之地王敦之故壘温太真李太白之所經行也餘烈遺臭歷歷可考宜其學士大夫之盛與後來之秀甲於他縣然而學之源委要在知正堯

舜禹湯文武周孔之宗學之正統也孟子既沒諸子百家竄起學者無以折衷之刑名為申商縱衡為儀秦清淨為黃老寂滅為浮屠去聖人益遠一時名公卿又各以其所好尚取堯舜禹湯文武周孔之名緣飾申商儀秦黃老浮屠之實漂的一立逐慕紛然動數十百年未易刮濯是以聖人之學益泯而不著見三代事功亦不見於後世也大哉

吾君之訓曰學者當以孔孟為師嗚呼非堯舜文王為他道捨此將安之邪學既立矣諸君肄業於此游息於此苟能造次顛沛不忘

大訓而求孔孟之宗僕未老也尚能見此縣英髦俊造之士彰明先聖人之道發為事功於天下尚不負縣大夫所以建立學宮之意諸君勉之僕非敢勵諸君也亦自勵也紹興十三年歲次癸亥十二月十日左迪功郎縣尉

陳長方記并書丹

右迪功郎主簿章臬篆額

右從政郎縣丞錢世忠立石

姑孰學宮記在當塗縣

拓本高四尺八寸廣三尺一寸五分  
十八行行三十字分書額篆書未見

皇帝即位之十六年偃武戢兵與民休息哀舉墜典以光大業文物鼎新教化興焉越明年建太學於行在所四方之士負笈來試者幾萬計儒冠之盛無愧承平乃悉取舊制斟酌其宜而推廣之詔旨為學校下者十五六州縣奉行不暇惟是姑孰學宮徒置不常間因兵火掇拾之餘未還舊觀邦人咎之獨州治之西高明寬博背阻城雉水流半規隱然有泮宮之象前守朱公實經營之未遑改築今太守鄭公故大丞相華原之猶子也臣儒雅飾吏事施設有倫下車之明日乃慨然曰



天子命之教然後為學此守臣職也矧復詰詔丁寧于再三松  
年雖疲儒僮不力成之罰豈可逭遂率僚吏鳩工賦役規模宏偉  
殿堂齋廬炳然一新俎豆禮器悉按圖牒學之百須無一不備又  
明年春行釋奠禮間里歡<sub>口</sub>訖事諸生趨而前曰茲學之成厥功  
匪易願<sub>口</sub>一言臣識之仲熊曰固所願也昔者孟子不云乎三代  
之學皆所以明人倫也蓋父子有親君臣有義夫婦有別長幼有  
序朋友有信五者人之大倫詩書禮樂所由出也教者教此而已  
學者學此而已後世建置之法雖或不同而作成訓勵卒歸於孝  
悌禮義之中公卿大夫由此其選蓋茲道素明故其成功一也諸  
生遊於斯息於斯盍亦知所本乎若乃恃紙上語務欲爭奇取勝  
而曰吾徒事業舉在於是則非所望也可不勉哉可不慎哉既以  
是告之且書以為記紹興十四年四月望日左從政郎州學教授

鄭仲熊記 括蒼何偁書并篆額

紹興十八年進士題名記 在滁縣醉翁亭梅瑞堂後壁

石高六尺四寸廣三尺二寸碑首橫題宋紹興十八年進士題名記十一字篆書下分六截上截刻詔書制策下三截分刻知

貢舉等街名五截刻進士題名每行十人下截刻記并正書拓本未見據金石續編錄入

紹興十七年三月二十四日

御筆手詔

門下朕惟自古聖王之治莫先得士而國家科目之設最為周密  
往者宇內多故猶不忘三年之舉矧今疆垂日靖學校興行人知  
鄉方顧不能率厥舊典網羅群才虛可令有司蒐取茂異咸與計  
偕朕將試之春官親策乎廷靡以好爵幾有益於治道布告天下

體朕意焉故茲詔示想宜知悉  
以上詔書十一行十一字

紹興十八年四月初三日

御筆第一道

朕觀自古中興之主莫如光武之盛蓋既取諸新室又恢一代宏  
模巍乎與高祖相望垂統皆二百祀朕甚慕之今子大夫通達國  
體咸造于廷願聞今日治道何興補可以起晉唐之陵夷何馳驟  
可以接東漢之軌迹夫既抑咸宮之銳謝西域之質則柔道所理  
必有品章條貫要兼創業守文之懿視夏康周宣猶有光焉固子  
大夫之所蓄積也其著于篇朕將親覽

以上策問十三行  
行十一字第一截

紹興十八年二月十二日鑠院

勅差

知貢舉

左朝奉郎權尚書吏部侍郎兼權直學士院邊知白

同知貢舉

左朝奉郎權尚書禮部侍郎兼權吏部侍郎周執羔

左奉議郎守右正言兼崇政殿說書巫伋

參詳官

左朝奉大夫鄭鬲

左朝散郎行司農寺丞周莊仲

左朝散郎行國子監丞兼權尚書吏部員外郎沈虛中

左朝散郎周林

左承議郎行秘書省正字兼提舉秘書省編定書籍官兼權

尚書禮部員外郎葛立方

左承奉郎充御史臺主簿陳夔

左奉議郎行太常寺主簿兼權秘書省校勘書籍官林大鼎

左承議郎行宗正寺主簿王葆



點檢試卷官

左朝請大夫監尚書六部門兼權尚書兵部員外郎張頡

左朝請大夫監登聞檢院余仔

左朝奉郎行太常博士蔡宰

左從事郎充詳定一司 勅令所刪定官丁婁明

左承議郎新行國子監丞權監都進奏院李琳

左宣教郎諸王宮大小學教授兼權秘書省校勘書籍官葉

綝

左宣教郎皇太后宅教授秦從周

左迪功郎守大理評事蔡垧

左朝奉郎行太府寺主簿余賓興

左承議郎幹辦諸司審計司湯允恭

左承議郎郭彥參

左承議郎黃汝能

左奉議郎主管官告院章復

左宣教郎祝閔

左宣教郎錢密

左宣教郎元益

左宣議郎王悅

左迪功郎臨安府府學教授何溥

左從事郎知臨安府仁和縣事方升之

左迪功郎權臨安府北郭紅亭稅場孫良輔

以上第二截

二月十八日十九日二十日引試詩賦論策三場

二月二十二日二十三日二十四日引試經義論策三場

別試

考試官

左朝請郎殿中侍御史兼

崇政殿說書余堯弼

點檢試卷官

左承奉郎樞密院編修官林機

左承議郎幹辦行在諸司糧斛院謝邦彥

左奉議郎就差監行在左藏東庫鍾世明

左從事郎監行在雜賣場鮑同

三月二十三日引試

御試

勅差

初考官

左朝議大夫權尚書禮部侍郎兼直學士院沈該

左朝散大夫尚書右司員外郎兼玉牒所檢討官吳棗

左奉議郎守尚書祠部員外郎陳敬之

覆考官

左朝散郎權尚書戶部侍郎李朝正

左宣敎郎守尚書司封員外郎湯思退

左奉議郎守尚書司勳員外郎沈介

詳定官

左朝奉郎試工部尚書詹大方

左朝奉郎監察御史張杞

左宣敎郎太學博士王之望

編排官

左中大夫新除尚書戶部侍郎兼權兵部侍郎李椿年

左朝請郎殿中侍御史燕

崇政殿說書余堯弼

初考點檢試卷官

左從事郎詳定三司

勅令所刪定官吳武陵

覆考點檢試卷官

左文林郎秘書省正字兼提舉秘書省編定書籍官孫仲鼇

續承 指揮添差到對讀畢充初覆考同共考校

左朝散郎通判臨安軍府事黃衮

左宣議郎諸玉宮大小學教授曹筠

左承議郎幹辦行在諸司糧斛院謝邦彥

左奉議郎監行在左藏東庫鍾世明

左從事郎監行在雜賣場鮑同

左從政郎主管尚書刑工部   閣   承家 以上第  
三截

紹興十八年同年小錄

四月十七日

皇帝御集英殿唱名賜狀元王佐以下及第出身同出身共三

百三十人釋褐當月十八日赴期集所

糾彈

江賓王 鍾離松 葛邨

牋表

俞處約 陳豐 陸升之 余光疑 莫汲

主筆題名小錄

何騰

何欽承

劉安正

程千里

田興宗

葉謙亨

柴衛

韓彥直

張宗元

掌儀

萬介

徐履

典客

余彥廣

朱登

掌計

蕭肅

掌器

潘觀國

掌膳

張穎

掌酒菓

王允功

監門

方穎

袁富文

四月二十六日依令賜錢一千七百貫

四月二十九日朝謝

五月初二日就法慧寺拜黃甲叙同年

五月初五日赴國子監謁謝

先聖

先師

鄒國公



五月

立題名石刻于禮部貢院

賜狀元王佐等聞喜宴于禮部貢院

以上第四截

第一甲

王 佐 紹興山陰縣

董德元 吉州永豐縣

陳 孺 撫州臨川縣

莫 汲 開封開封縣

蕭 燧 臨江軍新喻縣

王忠彥 眉州眉山縣

葛 邨 開封祥符縣

陳聞遠 衢州開化縣

葉謙亨 處州麗水縣

何欽承 建州浦城縣

第二甲

甘 焯 開封祥符縣

沈 文 開封祥符縣

劉季裴 開封開封縣

朱熙載 處州縉雲縣

吳 憐 常州無錫縣

劉 鎮 温州樂清縣

王亮功 福州長溪縣

虞 育仙井監仁壽縣

温 鎧 河南新安縣

胡元質 平江長洲縣

章 謚 處州麗水縣

柴 衛 衢州江山縣

芮 燁 湖州烏程縣

林公望 秀州華亭縣

陳 豐 興化軍仙遊縣

李彥穎 湖州德清縣

朱 變 邛州臨邛縣

張 穎 紹興山陰縣

秦 淵 揚州高郵縣

第三甲

索 楊 蜀州晉原縣

李 皦 如簡州陽安縣

詹叔善 信州玉山縣

吳 瓊 開封開封縣

洪邦直 饒州樂平縣

余 童 饒州樂平縣

蹇 駒 澶州益亭縣

吳 杉 嘉州洪雅縣

李承眉州彭山縣

張諾彭州崇寧縣

朱三省湖州安吉縣

田興宗處州麗水縣

徐存婺州蘭溪縣

黎梓潭州醴陵縣

張恪衢州江山縣

楊岳嘉州龍遊縣

冉徽之梁山軍梁山縣

萬介開封祥符縣

潘觀國泗州盱眙縣

朱鶴果州南充縣

張偉秀州華亭縣

馮忠嘉汝州梁縣

何性仁渠州鄰水縣

龔滂信州上饒縣

黃克仁潼川郫縣

黎商老成都廣都縣

王人鑑邵武軍建寧縣

趙不愧宗正寺玉牒所

謝鴻邵武軍邵武縣

趙善岫玉牒所

張商卿建州建安縣

盧彥文興化軍莆田縣

趙像之玉牒所

趙彥文玉牒所

陳大方福州長樂縣

魏思遠建康溧水縣

尤袤常州無錫縣

第四甲

孟致誠順昌汝陰縣

蕭肅吉州安福縣

曾賁福州閩縣

李藜蜀州晉原縣

何邦昌建州崇安縣

王芾宣州太平縣

冷世光平江常熟縣

陳天麟宣州宣城縣

陸升之開封陳留縣

黃適中衢州龍遊縣

龔尹常州宜興縣

鍾將之鎮江丹陽縣

蒲堯仁福州侯官縣

朱伯雄饒州浮梁縣

程千里信州玉山縣

王師愈婺州金華縣

袁 觀 緜州巴西縣

陳 經 國開封開封縣

陳 篆 常州無錫縣

陳 伯 山興化軍莆田縣

童 用 賓 衢州龍遊縣

江 獻 可 揚州高郵縣

王 康 年 湖州烏程縣

何 禹 蓬州伏虞縣

高 選 紹興餘姚縣

陸 元 之 紹興山陰縣

蒲 堯 章 福州侯官縣

韓 炳 仙井監仁壽縣

葉 翊 温州永嘉縣

王 昉 潼川通承縣

李 用 之 澧州澧縣

韓 大 甯 信州玉山縣

勾 龍 震 成都成都縣

包 府 饒州浮梁縣

龐 守 合州石照縣

葉 翔 鳳 福州侯官縣

鮑 安 行 饒州浮梁縣

周 汝 士 紹興嵊縣

李 進 修 簡州平泉縣

邵 穎 婺州金華縣

李 清興化軍莆田縣

毛 介 衡州江山縣

芮 燁 湖州烏程縣

勾 龍 零 成都成都縣

梁 汝 昌 福州永福縣

劉 安 世 吉州安福縣

章 朝 宗 臨安臨安縣

林 次 融 福州長樂縣

俞 光 疑 臨安錢塘縣

彭 邦 光 臨江軍清江縣

胡 百 能 平江長洲縣

石 才 孺 鄭州管城縣

范 仲 微 開封開封縣

鮑 慎 履 建康上元縣

王 賓 達 州巴渠縣

李 開 廣 德 軍 廣 德 縣

何 騰 開 封 開 封 縣

黃 文 昌 建 昌 軍 南 豐 縣

毛 惠 直 吉 州 吉 水 縣

練 聚 建 州 建 安 縣

史 夬 肩 州 青 神 縣

王 宗 衡 泉 州 南 安 縣

鍾 離 松 建 康 江 寧 縣

林 鎰 福 建 連 江 縣

陳德修建昌南城豐縣

雍恩普州安岳縣

鄭之純徽州歙縣

歐陽文起臨江軍新喻縣

李淵興化軍莆田縣

陳湧鏡州安仁縣

林大受潮州揭陽縣

吳彥夔興國軍永興縣

許登漳州龍溪縣

方綰興化軍莆田縣

鄒樛常州晉陵縣

范仲較開封祥符縣

嚴瑀衛州江山縣

李几普州安岳縣

林清卿益州平陽縣

周邵婺州永康縣

戴振宣州宣城縣

譚炤潼川銅山縣

王堯臣福州長樂縣

雷行之廊州直羅縣

楊獬臨江軍新喻縣

俞彥廣撫州臨川縣

劉公特福州侯官縣

方顏饒州德興縣

張 溥處州龍泉縣

陳 俱臨安錢塘縣

李 杭合州巴川縣

麋師旦平江吳縣

王汝嘉忠州墊江縣

向 騷眉州彭山縣

張 穆嘉州夾江縣

趙不悔宗正寺玉牒所

謝 芷泉州晉江縣

周 習溫州平陽縣

薛 璨興化軍興化縣

王 滋台州黃巖縣

趙彥恂宗正寺玉牒所

趙彥齡玉牒所

周 彥建康溧陽縣

陳思文福州長樂縣

江賓王建康句容縣

王 訢江陰軍江陰縣

梁南一泉州晉江縣

韓彥直延安膚施縣

俞 肇南劍州沙縣

張宗元秦州三陽寨

馮公亮常州武進縣

趙公懋宗正寺玉牒所



趙儼之玉 牒 所 趙伯術玉 牒 所

趙不攸玉 牒 所 趙善珏玉 牒 所

陳秀實福州永福縣 趙子修玉 牒 所

趙公武開封祥符縣 趙伯茂玉 牒 所

趙師孟玉 牒 所 趙伯瓊玉 牒 所

第五甲

戴幾先常州無錫縣 楊大全嘉州龍遊縣

楊騫河中河東縣 蔡理興化軍仙遊縣

王允恭臨安錢塘縣 王 匯彭州榮寧縣

朱 江蘇州長洲縣 劉 蒙冀州棗強縣

胡 佑積石軍西門外 徐日章常州宜興縣

陳 式潮州海陽縣 任 原威州保寧縣

李升福州閩縣

范時中簡州陽安縣

龔夢良興化軍莆田縣

劉棠吉州安福縣

鈞宏眉州眉山縣

勾龍驥榮州榮山縣

莫冲湖州歸安縣

鮑喬處州龍泉縣

雍有容資州盤石縣

李伊鼎仙井監仁壽縣

王傑福州永福縣

樊賓果州南充縣

冷世修平江常熟縣

倪寬建州政和縣

黃璋邵武軍邵武縣

許冰清饒州樂平縣

邱密建州甌寧縣

俞處約臨江軍新喻縣

劉建潼川通泉縣

詹亢宗紹興山陰縣

陳旦建州建陽縣

魏憲資州盤石縣

宗昇南劍劍浦縣

鄒孟饒州樂平縣

牟子正 仙井監仁壽縣

石仲集 湖州海陽縣

嚴 第 衢州江山縣

甘定中 漢州什邡縣

方簡與 興化軍莆田縣

胡 鎔 處州縉雲縣

譙 荃 潼川飛鳥縣

張觀國 懷安軍金堂縣

柳 泉 鎮江丹徒縣

沈壽康 紹興山陰縣

吳 璿 常州無錫縣

楊 昂 婺州金華縣

潘庭翼 温州永嘉縣

章 駒 處州麗水縣

鄭國翰 湖州海陽縣

趙 邦 建昌軍南豐縣

陳 光 泉州永春縣

王東里 處州麗水縣

劉 煥 福州懷安縣

許 璿 常州無錫縣

林 杆 泉州晉江縣

葉元凱 饒州德興縣

張 然 秀州崇德縣

陸師古 通州海門縣

林光祖平江長洲縣

史 棟 果州西充縣

胡觀國常州武進縣

朱永喬閩州閩中縣

毋 過 潼川通泉縣

沈中立明州鄞縣

王 楠 處州麗水縣

余 溥 福州侯官縣

吳利見福州福清縣

吳 邵 年 温州永嘉縣

樊當 眉州眉棧縣

李 蕪 善 吉州廬陵縣

汪 端 彥 饒州德興縣

朱 登 温州瑞安縣

詹 輓 建州崇安縣

陳 舉 善 台州臨海縣

童 大 定 明州奉化縣

龐 愈 合州石照縣

金 鼎 婺州金華縣

吳 特 建州政和縣

葉 民 極 建昌軍新城縣

茹 驥 紹興府嵯縣

陳 康 嗣 福州羅源縣

林 思 永 温州永嘉縣

周毅福州閩縣

施貫之湖州安吉縣

王萬修福州長溪縣

袁交簡州陽安縣

馬炳嘉州龍游縣

朱熹字元晦小名沈郎小字季延

年十九九月十五日生外氏祝

偏侍下第五一兄弟無人

□舉娶劉氏曾祖徇故不仕祖森故贈承事郎父松

故任左承議郎賈建州建陽縣群玉鄉三桂里□為戶

陳良弼南建州沙縣胡師徐建州崇安縣

方師尹信州弋陽縣左慶延吉州永新縣

楊浚臨安錢塘縣顧澣興化軍莆田縣

馮用休遂寧長江縣洪澤福州懷安縣

張士儋開封開封縣汪處實饒州樂平縣

蕭南吉州萬安縣素富文吉州永新縣

張永年 忠州 臨江縣

胡權 處州 縉雲縣

李左 常州 宜興縣

段友直 南劍 劍浦縣

唐僅 潼川 射洪縣

聶端禮 饒州 樂平縣

謝芑 泉州 晉江縣

張敦仁 成都 郫縣

卓冠 福州 吉田縣

季時亨 婺州 大雲縣

喻邦佐 仙井 監仁壽縣

張宗沆 永康 軍道江縣

王章 永興 軍長安縣

何璵 宣州 南陵縣

吳良驥 温州 瑞安縣

葉衡 婺州 金華縣

陳長源 常州 無錫縣

劉坦 福州 侯官縣

張密 合州 石照縣

景黃裳 普州 安岳縣

楊靖 眉州 眉稜縣

游壽 廣安 軍新明縣

蘇升 泉州 永春縣

周光遠 衢州 江山縣

劉庭揚南安軍南康縣

譚守約韶州樂昌縣

黃嗣蘆建州浦城縣

□ □ □ 眉州眉山縣

劉希旦建昌軍新城縣

周孚衡州江山縣

陳仲諤福州閩縣

張忠資州盤石縣

李全之福州閩縣

俞華信州玉山縣

鈞昌期渠州鄰水縣

林翰漳州龍溪縣

陳玉賓瀘州合江縣

黃岱興化軍莆田縣

賈渤潼川郫縣

徐履温州瑞安縣

俞舜凱徽州歙縣

以上並第五截

予以癸巳春謫滁滁宋歐陽永叔舊時所謫郡也豐樂醉翁瑯

琊諸名勝俱在予逐客諸當路者不責以吏事常以清暇遊

其間考公天聖八年庚午晏元獻主試事第一三月登第十四

慶曆乙酉八月請知滁州十月至郡嘉祐二年丁酉春知禮部  
貢舉賜御書文儒二字公力挽古文黜浮茁論者謂嘉祐末誦  
習孔氏號稱多士公之力也以論大道似韓愈論事似陸贄  
事似馬遷詩賦似李白可謂文儒而元獻之知人亦明矣予往  
來淮泗過大中丞常公召無□堂得文公紹興十八年題名錄  
我文公列第五甲九十名其低且遠矣□□通顯名第生不能  
媲美永叔夫天聖試錄漫無可考而紹興之錄翻刻詳明家藏  
者珍之蓋以南宋之元晦猶東周之仲尼也善乎楊方震曰仕  
止久速仲尼聚伯夷伊尹柳下惠之大成詩書易春秋禮樂所  
以祖述憲章於堯舜禹湯文武周公者矣然象山之德性南軒  
之義利東萊之變氣質文公則兼之若太極通書西銘之輯解  
經世易傳之訂証庸學之表章論孟之尊信於周邵張程□祖



述而憲章者焉議在人心大其功以神其德故錄之獨存也况

□用顯微淵源於濂洛者聖學之的傳然文與道岐而二之永

叔不免為君子所非淺深較然矣以制科而得文公當時猶有

知人者列第殊下則不能盡知可見矣亦可稽真儒於制舉不

希合時好第之高下以□用舍非所計也語類云我只作七八篇時文便登第又云

我自十五六時知試官無學問又云一箇試官我拜兩拜他文我兩拜略知理又云我悔當時就舉故伊川不求登第文

公吾不得見之□□□支離詰曲於永叔□□□也用是

刻石於環滁山中□為□世道者所以□□□何如刻石止

存文公世□餘則略石為文公記也

□午夏瑯琊遷客張下缺以上

右紹興十八年進士題名記第一甲王佐等十人第二甲甘焯

等十九人第三甲索楊等三十七人第四甲孟致誠等一百廿

二人第五甲戴幾先等一百四十四人案文獻通考是榜進士  
三百三十人省元徐履狀元王佐四川進士二十三人今以石  
刻證之竇三百三十二人宋初南省第一人殿試唱過三名不  
及則越衆抗聲自陳必得升等范蜀公避不肖言後遂以為故  
事此榜徐履以省元而殿五甲未詳其故後讀張荃翁費耳錄  
稱淳熙間省元徐履因功名之念太重遂有心恙之疾殿試卷  
子寫一枝竹題曰畫竹一竿送上試官朝廷亦優容之以省元  
身後一官與其子乃知履之殿甲蓋因心疾所致然履乃紹興  
進士而荃翁以為淳熙間則記憶之誤爾又攷新安志是榜歲  
人登進士者鄭之純汪端彥俞舜凱與朱子凡四人端彥與朱  
子皆籍婺源今檢此錄朱子貫建州建陽縣端彥貫饒州德興  
縣蓋宋世士大夫任官而去其鄉當時不以為非而功令亦無

寄籍之嫌也舜凱係特奏名第一人今附在第五甲之末宋史

丘密貫建州甌寧縣蓋別是一人也宋登科錄今已不傳此榜

以朱文公故特存石刻在滁州之歐梅亭明人張明道跋

錢大昕潛

研堂金石文字跋尾

秘閣王公祠堂記 在當塗縣舊太平府學

拓本高四尺六寸廣三尺七寸九分

祕閣王公祠堂銘

額高一尺三寸廣二尺三寸四分

隆興甲申歲秋九月 朔 謹防邊時堂

天子擇能臣得令 貞秘閣 公 即日 上道

到郡越月虞

犯塞登淮沿江戾人震驚

公家在舊易文趣與衆恃以

千百

勞來

踰子弟愛奉

命發倉粟召

其反生者如歸

无天人敢為盜賊日俱以

公曰吾為此規守嚴

不給

眺數百里耀大水蕩去十萬

此往來乎

水食不

斧官吏曰立謀乃沒無

無

理就緒徐乞用度乎

朝

以

也

公為

政

疇既殫 公曰是可以 屋數不間

本气不振 公不弋二月

諸

生率有請於郡 數援沈 公之

德 立祠

繪像曰敬齋事 韮君古 寶存

也後 走風俗

多偽祠 勝雖立而行 韮人乞請

所見 公行

事之實 書于石以見 公之 邦人乞請



石龍庵記

江左佳山水惟宣為最諸邑獨春穀處平土四顧曠然其南逾十五里有山曰峩嶺又西南六七里有山曰石龍二山對峙而石龍林壑深秀峯巒峻拔在峩嶺之右呂其不當道故人罕識者南陽鄧君道先之居蓋介乎兩山之間者也於乾道六祀君既營其夫人章氏之墓於石龍明年遂鳩工命材為庵於其側使僧守之所以奉香火嚴祀事也榜曰石龍因山呂為名也庵之制其廣不過十數楹其容不過十數僧迺有堂以貯佛像有閣呂藏佛書有室以處僧徒以至賓客之位游從之所門庭瀟然厨傳灑然故人之至者皆呂為得所若夫奏高山流水之音而寓之於琴心推專心致志之意而託之於碁局茶甌畫深呂戰睡魔詩句夜工而泣山靈蓋庵中之事業殆不過芒不則掩門深念掃地燒香凝神

靜思消遣世慮酌二川之涿可噉可漱採羣山之美以茹以食則  
其為樂可勝計哉然鄧君之意猶曰謂食不足則人不畜又遺  
之百畝之田曰食其僧田不墾則穀不收又遺之二牛以治其田  
蓋其為此庵計甚遠又曰吾懼夫異世之後懦弱者不能嗣而葺  
之以至頽圯強梁者或至攘而奪之以為己資有一於此吾皆誓  
之曰非吾子孫且蒙以不孝之名其為此庵之慮甚深君家累  
千金三子皆官諸孫誦誦嚮於文學知禮義之方已寧復有是哉  
蓋先事而慮有不得不然耳夫慮之深者其謀必長謀之長者其  
傳必久吾見斯庵之與鄧氏相為終始而垂不朽矣庵既成  
君貽書囑余記之於是乎書時

皇宋乾道辛卯歲孟冬上澣也

左宣教郎前守太常丞昌永

記并書



大明崇禎歲在丁丑仲秋月上浣

僧圓忍重修

按嘉慶南陵縣志石龍山在縣西南二十里宋鄧道先建庵

其上昌永有記俗名庵山口碑尚存昔年纂修縣志以此記

徧訪鄉人僉謂庵址已失不可蹤跡及編金石志僅據藝文

錄入甲戌夏五張和聲李星煌萬子康三君訪得於山口徐

村落中以拓本見貽亟錄之

太平州瑞麻圖贊 在當塗縣舊太平府學

正書拓本未見據太平府志錄入

太平州瑞麻圖贊

洪邁

當塗三邑田高低不齊低者奪江湖淤壤恃圩為命入夏常畏水

高則居陵邱五日不雨輒告病正逢善歲此得彼失雖造化莫能

鈞太歲在酉雨暘適及時田無崇卑其熟自倍至百穀蔬果亦然

秋八月近郊民于顯國持異麻來合數幹而并之泯無纖罅大要  
若靈芝若淺碧如意若鳳垂頭若卷雲之冠邦之老人皆言前所  
未識惟經傳未同韻麥秀岐為上瑞而麻之為物誕降幪幪蓋夸  
咏于生民之章月令所書固與麥稷菽稻等則其所係亦不輕而  
重矣予假守十閱月天畀其幸使丁大有年之祥私用自賀謹圖  
寫其狀刊諸石又為贊云

麻幪幪

聲於詩

侯今茲

產崛奇

幹如張

燁駢枝

鳳之鳴

冠萎蕤

篇九霄

縹上馳

儼神山

蒸菌芝

禾同穎

麥兩岐

此其亞

天以之

右瑞麻贊鄱陽洪邁知州日近郊民於顯國以異麻獻合數幹

為一若靈芝若如意若鳳垂頭邁以為瑞圖其狀而贊之文云

太歲在酉者淳熙十六年也宋史本傳叙邁歷官極疎舛其知

太平州亦失載予攷中興學士院題名邁以淳熙十五年四月

由翰林學士差知鎮江府此贊作於己酉八月云予假守十閏

月是移知太平即在十五年之冬其明年改元紹熙乃以煥章

閣學士知紹興府除授次第班班可攷史於拜翰林學士後即

書進煥章閣學士知紹興府似未嘗外補又誤書紹熙為淳熙

皆失之甚者錢大昕潛研堂金石文跋尾續

按贊前有引贊中有竊九霄縹上馳之句當塗志曰竊字不經

見意當從漢天馬歌蕭雲之蕭乃與九霄意合趙紹祖安

會聖思公巖主辭世頌在桐城浮山

招本高四尺二寸五分廣三尺四寸上有字凡二十行行字大小不等正書

會聖思公巖主辭世頌

七十四年歸去時節撒手便行更無可說

前住山瑞公禪師為說四偈

七十四年俯徇世緣會聖岩下飢養困眠

歸去時節如高空月應現十方光明洞徹

撒手便行一路坦平東去西去步步無生

更無可說重重漏泄水馬嘶風泥牛吼月

思上人自四明慕道游方至茲岩則不復舍去豈固自有

前緣者服無亦知茲岩蓋圓鑒退席所憇如青華巖亦由

此而出故潛思密想攻苦食淡於斯二十八年猶如一日

尅期坐逝豈不超然竒特哉一日瑛公袖其辭世頌及

秀岩四偈以示余且由其徒欲刊諸石元璞雖暫權管院事

未敢私可之居士幸有意吾教不惜一言以證將無負茲

石余曰有是哉孔子曰三人行必有我師焉思公示寂吾

三人者為之證亦足已矣遂作偈曰

本有摩尼一顆寒有無明黑任多般靜中忽見圓明體却

要傍人着眼看

紹熙壬子端午後三日西湖居士林績撰書

山門權管首座比丘元瑛上石

孝嗣師童行陳智璉智玗命工刻字石匠高子忠

敬齋記 在當塗縣舊太平府學

拓本高三尺九寸五分廣二尺三寸  
行行二十九寸五分字字徑一寸正書

敬齋記

平刻 一尺廣二尺五寸五分  
三字字徑五寸正書

嘉泰三年春括蒼湯公巨貳卿來牧姑孰下車三日問學宮當振

新而洗陋者諸生悉疏。臣聞亟捐錢三十萬爲養士費。旣迺葺奠楹，拓射圃，植射亭，飭祭器，按冕服，鞞馬，不如舊者，易制之。先是春，秋釋菜，絲別乘而下。凡奠獻之官，致齋無所，士避舍。臣館之禮弗稱，甚。公曰：是匪典之闕耶？講堂東廡外地荒，於沮洳，即命畚築，加隆爲屋之。凡五楹，區爲八室，敞其中，爲軒，規摹高，伉窻戶，靖深位，序整秩，面揖槐，齋背頰，藻沼塵，迥趣閑於。臣雪煩襟，澄紛慮，爲宜。夏七月辛未，落成。公環視有喜色，扁之曰：敬齋戒嚴，扁鏞時啓，閑。臣待上丁之致齋者，昔王仲淹遊夫子廟，出而歌曰：大哉，虞君，吾。臣。臣。父。父。子。子。兄。兄。弟。弟。夫。夫。婦。婦。夫。子。之。力。也。用。是。夫。子。之。祀。達。于。天。下。與。社。稷。等。從。事。于。豆。邊。者。宜。如。何。洋。洋。虞。如。在。其。上。必。見。所。與。祭。者。豈。直。瞻。夫。偶。像。之。謂。哉。神。之。精。神。顧。祭。者。之。精。神。何。如。耳。用。志。端。凝。千。古。不。隔。毫。髮。有。間。親。面。亦。忘。故。散。齋。臣。定。之。致。

齋呂齋之類致其精純而不雜者可呂對越矣身心如一之謂敬  
思不出位之謂敬拳拳服膺之謂敬齋宿于是者齊其不齊而一  
於敬焉周旋兩楹之間庶乎溫良恭儉遜者如將見之矣不然登  
降俯伏之既其容薦着奠酌之既其物此心不足以昭對如禮何  
甚非公命齋之意也公名碩字仲孫十月望日從政郎差充太平  
州州學教授林宗放記并書

太平州教授建廳記

在當塗縣舊太平府學

極本連額高五尺六寸廣三尺二寸二分行四十字字  
徑九分正書額平列四行行二字字徑五寸五分篆書

貞元別校燭遠靈

郡文學之舍予行四方目所接多在校庠旁近地官事少嬉而言  
之大略視冰廳因仍簡陋居使然也開禧丙寅冬予奉版輿來姑  
谿所止公屋寔惟學東偏學東西南濱水高城深池又居予東有

閣二曰采芹曰色矣采芹歲月莫攷或云司刑少常伯吳公分教  
時初始數椽它日尚書右司林公增大之閱年久岸斗入水屋半  
已傾歌慶元己未祕書郎錢公迺營色矣棟薨藻麗偉特桀出縣  
袤曼衍浩乎雲連二閣照影清波芙蓉滿中隄柳成行粲然而榮  
鬱然而陰龜魚游泳野鳧衆百春秋去來忘機浩蕩棲息蘆葦間  
清暑之夕明月之夜解帶馮闌疑閨風方壺之表朝而觀坐日出  
水上初晰宣明絲光暉暉混養戶牖如杭巨舸浮于江湖如隱居  
山林雲氣霏微時襲人衣履臨流之觀具是履處有所聞昔尤湫  
隘不可以居鄉人李君垂受代合工治材聳爲華宇而去此意激  
世有陸幼節風然其謬室猶視地而行堂坳弗治未爲震凌深慮  
也予入而娛老出而延賓其於寒無羶者亦足矣獨聽事之堂偃  
蹇相持高不能越尋丈左枝右撐朝夕厭焉予始至承早曦後在



便無粟粒之儲衆志靡靡凜未知本末暇及此乎既而暗學之西南屋數間橫陳陲陲凋落土瓦不相屬彼何所而若是物色之則十年之空困也曩積黍禾於中後以刈穫多隱私更爲租故置之不用之地方愾然曰無用以爲有用可乎明年春予承乏行半載學之入有誓其出有程教且育浸不以匱告粵三月稍錄其中楹楠版檻之屬昉自采芹葺之以存其舊仍諸譖室閣之以籍予履七月遂稟承于府盡撤前所餘規廳事而新之計丈數揣高卑視昔廣參之一脩四之一步欄前楹廣脩如之於南則弘以敷於北則邃而正於東則趨便坐也坦而明於西則傳學宮也聳而稱二千石嘉尚承學資以材用饒饒予得以前無職掌顓治其事功未訖適奉計臺檄走秣陵逮季商來歸則落成矣尚以啓扉西介于學戟門予旣肅諸生入出有儀吏卒居旁或踞或譁非其便歆更

之而并紀之又明年已新泮水迺即廳之陽薙奧草辟土塗獲地數  
畝建以開閤翼以沼沚紆以徑術繚以垣墉於是高明奕壇得其  
所鄉演迤靚深於先聖之門不迫不雜青山巔負近在吾目可  
以極眺望可以賦從容來游來觀者屢至客有曰美哉前日翳伏  
硤堦之區也物果待時而亨乎曰不然莎廳稱於河中竹樓記於  
齊安顧寧在峙壯觀以嬋將來吾儕書生居不敢求其安食亦不  
敢怠其事誠惟道存從學者日至門可也而何擇予未能姑列以  
爲記嘉定元年五月旣望長樂王同記并書開封趙善潼篆額

于湖董先刊

嘉定修城題名碑舊在懷甯縣

休寧懷甯縣志錄入

修城題名碑

承直郎權發遣安慶軍府兼管內勸農營田屯田事黃幹

從政郎安慶府學教授權通判提領築城項強

承事郎知安慶府懷寧縣事提督築城趙善部

迪功郎安慶府軍節度推官提督築城鄭瀛

從事郎安慶府觀察推官提督築城趙善瑄

從事郎安慶府丞兼僉廳提督築城王棗

從事郎安慶府司法叅軍提督燒鞞楊傳

從事郎安慶府樞陽鎮監轄權支使提督築城張似之

迪功郎安慶府宿松縣主簿兼僉廳收支錢糧慕容順

武顯大夫主管台州崇道觀監督築城柴安國

武德郎新太平州兵馬都監監督築城李琦

訓武郎安慶府兵馬都監監督張朝宗

成忠郎安慶府兵馬監押監督築城趙時利

訓武郎安慶府太湖縣巡檢監督築城戴興

迪功郎安慶府懷寧縣尉監督築城周煜

進義校尉特添東南第一副將安慶府駐劄提砍木場卜師服

國學進士監督築城陳榕

府學學賓監督築城向公榮

待補國學監督築城王仁

待補國學生監燒城甄余隆禮

下班祇應池州都統司帳前都壕官尹椿

進義副尉前淮東安撫司將都壕寨官王先

嘉定十年八月吉日立

按懷甯金石以此碑為最古道光五年修志例言已云不可

得見其所佚者久矣

休寧修縣學記

在休寧縣

拓本凡行四石每石高六尺六寸廣二尺二寸七行行二十四字字徑二寸許正書

休寧修縣學記

從政郎建康府府學教授程玘撰

朝請郎監行在都進奏院金葵書

紹興中錫山先生陳公之茂來尉休寧遷學于南門之左今六十

八年屋漫壞邑大夫毗陵張侯抃修之不異新宮尉吳門吳侯大

淵克蒞是役書三來詭以紀事玘邑民也不學是懼安能紀辭不

獲輒誦昔聞古者自六歲學數與方至十五入大學如擊石火如

導谷泉不擊不導火泉固存擊之導之火泉迺出人有成性道體

具備學問一施德業日廣非昔無今有也至若過時迺學則已跳

躍逐物矣。操之維之。刻之琢之。俾還性初。迺順帝則。夫時而學。與過時而學。皆可達諸聖賢神道。顯德坦然。無壅嗚呼。先王為是設學。不可一日緩已。

國家昭德恢儒。今二百五十年。殷容文明。匹休三代。自

移蹕吳會。新安在甸。服三百里。教化所漸。益近且先。故休寧百年

來比屋。詩書衣冠鼎盛。士之□學教身者。踵武相屬。嗚呼。錫山建

學明道所。呂期惠吾邑人者。獨致身云哉。今大夫以蘆敏稱。知先

教後政。首加葺焉。士之莪冠曳履入于其間。俯仰以思。曰吾之學

知一性之本原者乎。學而仕者。曰吾之仕知名誼風節如吾邦之

先達者乎。學者不徒記問詞章而思其本原。仕者不徒簿書期會

而思所謂大節。使吾邑隱然為多士鄉。此錫山意也。亦邑大夫意

也。秘無狀。庶與吾邑人曰新厥圖。益奮不解。且系以歌。用昭無忘

松蘿茗蕘兮屏其虛東溪紆餘兮帶其□有學宮兮屋渠渠莪新  
冠兮衣裾裾春薄莫兮風舞雩秋雨□兮涼生壺服仁食義兮力  
菑畬圓規方矩兮行瓊琚靄靄間□兮論雲衢名節崔嵬兮昭  
史書于勉于于勉于玉此詩歌堅不渝

嘉定癸未七月戊辰日門生宣教郎知徽州休寧縣主管勸農營  
田公事任良弼立石

按休寧脩縣學記程秘撰金葵書任良弼立石程秘字懷古休  
寧人紹熙四年進士理宗朝累官禮部尚書翰林學士知制誥  
以端明殿學士致仕事具宋史本傳著有涖水集六十卷見書  
錄解題今存三十卷四庫全書提要稱其論疏剴切利病井然

蓋以經濟自任者其撰記時官建康府學教授宋仁宗陞昇州  
為江寧府建康軍節度高宗改為建康府建行都即今江寧府

也碑立於嘉□癸未七月寧宗嘉定十六年歲在癸未則嘉□  
即嘉定上溯六十八年為高宗紹興二十六年丙子乃陳之茂  
尉休寧遷學之年也咸淳毗陵志之茂字卓卿無錫人紹興二  
年與張九成同登第之茂廷對忤權相以褻犯黜之九成舉第  
一叩頭殿階曰臣學不如陳之茂臣不當獎之茂能言人所不  
敢言宜獎不宜黜高宗覽對悚然曰忠言也賜同進士出身調  
休寧尉以經學為諸儒倡張魏公薦于朝仕至吏部尚書是之  
茂登第二十餘年尚尉休寧休寧縣隋屬婺州後屬歙州唐置  
歙州總管管歙睦衢三州宋改徽州乃在宣和中方臘陷歙州  
之後元豐九域志歙州新安郡軍事縣六休寧州西六十六里  
嘉定時雖改徽州而新安郡如故故云新安在甸服三百里也

金葵張抃吳大淵任良弼俟考記云書三來詭以紀事說文詭



責也孔融薦禰衡表昔賈誼求試屬國詭係單于文選注自責

必係單于也漢書曰况自詭滅賊義同許說陸權通全石續編

魏玠壙誌石出江蘇吳縣今藏貴池劉氏

拓本高一尺六寸廣一尺三寸五分  
十行行二十七字字徑六分正書

故黃州判官從政魏公壙誌

先君姓魏氏諱玠字德潤吳郡人曾大父憲故顯謨閣直學士左

宣奉大夫贈光祿大夫大父持故承務郎應天府司錄累贈奉直

大夫父興口故朝奉大夫通判真州妣胡氏再陳氏初以大父

郊恩補將仕郎中銓調揚州戶曹歷慶元昌國鹽監黃州判官

璽恩遷從政郎先君德性冲粹履行剛方整肅施於齊家廉勤見

於涖仕交遊稱之奉祠里口曾靡微恙嘉定癸未六月丙子夙興

盥櫛就寢無何攸然而逝年六十娶俞氏訓武郎克東南第四副

將允功之女一男汝礪修職郎紹興府司戶一女適待補國學生  
陸世用孫男一人煥孫女一人尚幼汝礪忍死扶力勉襄大事明  
年三月庚申葬吳縣長洲鄉祝塢山大父墓右也輒叙次家世生  
平履歷泣血敬書而納諸壙親末進士張一新填諱

此魏玠壙志子汝礪撰并正書曾祖憲見中吳紀聞云魏憲字  
令則與其弟志俱有聲太學號熙豐人才徽廟朝為東臺御史  
入侍經幄論思獻納為多又代言西掖得溫厚雅正之體遷吏  
部侍郎久之除顯謨閣學士知明州與志合志末題親末進士  
張一新填諱子孫撰文填諱屬之他人宋時已有此風矣

劉世  
所貴

池金  
石記

和州登科題名記 在和縣文廟

拓本連額高五尺五寸廣四尺五寸刻上計三十一行  
字徑八分下題名四截行字不等額二行三字均正書

和州登科題名

道□原出於天也堯傳之舜舜傳之禹湯文

武周公吾夫子祖述憲章□天欲斯傳千萬

世不泯仰焉於星緯之精俯焉於山澤之靈

孕秀毓神英髦挺生至如唐東海夷人亦有

與聖門曾子比稱者欲教化美風俗厚道德

一國治天下平也其有大賢能致中和以參

化育繼後聖之絕學則天心合人事盡庠序

之立登科題名其深得籲俊尊上帝之旨歟

歷陽在兩淮號文物之地唐張司業籍與韓

愈至交何卓行蕃一布衣此正六館之變節

行炳若日星

國朝天聖以後人材輩出學術器識詞章治  
行備載郡圖志茲不盡述近時待制張公邵  
擢宣和上第以薦召對

朝廷求可使虜者公慨然請行困厄遐陬凡  
十五年節不屈會和戎始歸其猶子孝祥以

孝廉稱才藻吏能輝赫于世初

高宗皇帝親擢爲第一嘗諭之曰卿更加涵

養當以不次用卿噫真材相望如此非地靈

秀發而何今刻斯石用彰前哲而所以期望

後來者蓋不止於舉子藝業之精奉常科甲

之貴必也誠意而正心克己而復禮以造乎

上下同流之妙而續聖賢道統之傳於無窮

斯可也已夫民生秉彝無智愚賢不肖皆足

語此不然可以與行及其能盡性盡人物之

性則與天地參聖人豈虛言哉敢以此告學

者紹定改元正月吉旦郡人朝散大夫賜紫

金魚袋王相記朝散郎前權發遣淮南路轉

運判官上官渙西書朝散郎權發遣和州軍

州主管管內安撫司公事節制屯戍軍馬高

□□□修識郎和州州學教授王萬立石

第二截

天聖二年宋郊榜

朱瑩

天聖八年王拱辰榜

沈立

慶曆六年賈黯榜

朱暉

皇祐元年馮京榜

沈文通

□□  
□□  
□□  
□□  
□□

皇祐五年鄭獬榜

張獻民

錢□□

□□□

嘉祐二年章衡榜

耿憲

嘉祐六年王俊民榜

高鑄

齊讓

張景溫

嘉祐八年許將榜

張偉節

治平四年許世安榜

邱與

姜子克

熙寧三年葉祖洽榜

王夬

熙寧九年徐錦榜

陸子堅

耿樞

元豐八年焦蹈榜

何朋

元祐三年李常寘榜

黃琮

元祐六年馬涓榜

丘廓

劉磐

第三截

紹聖四年何昌言榜

劉公晉



丁興祖

宋汝明

崇寧二年霍端友榜

趙霖

崇寧五年蔡薺榜

張大任

曲全昌

朱勳

大觀三年賈安宅榜

王冕

杜圻

政和二年莫儔榜

耿光廟詩

朱恂

蔡□

徐□

李天休

史經

朱澤民

朱疇

政和五年何臬榜

陳嘉謀

徐林

王知彰

政和八年嘉王榜

上官祝

沈虞卿

宣和三年何渙榜

張邵子孝祥孝伯

魏矸子合魁吏部

張晟

姜邦光

宣和六年沈晦榜

徐兢

建炎二年李易榜

第四截

朱勳

沈佑

紹興八年黃公度榜

徐歲

紹興十五年劉章榜

王淪

紹興二十四年張李祥榜

張李祥 第一人

郭象

紹興二十七年王十朋榜

周謨

殿試

沈作乂

許子紹

紹興三十年梁克家榜

周孚先

徐宗振

隆興元年木待問榜

張孝伯

乾道八年黃定榜

王相

淳熙二年詹曠榜

許環

淳熙八年黃由榜

周郁

紹熙元年余復榜

方佃

紹熙四年陳亮榜

何適

嘉泰元年

龔頤正

□ □  
□ □  
□ □  
□ □  
□ □  
□ □

開禧元年毛自知榜

張龕

嘉定元年鄭自誠榜

上官渙酉

王詔

方備

第五截

嘉定七年袁甫榜

陳祥

嘉定十年吳潛榜

何選

李士達

寶慶二年王會龍榜

魏國華

陳夢斗

紹定二年黃朴榜

陳昌言

胡珩

嘉熙二年周坦榜

孫樵

孫楷

淳祐元年徐儼夫榜

李延

上官渙然

楊萬

淳祐七年張淵微榜

徐成大

開慶元年周震炎榜

李國秀

會試一等  
殿試九科

卷之五



趙必晄  
癸丑 丙辰 應 魁

咸淳元年阮登炳榜

尹京

咸淳四年陳文龍榜

趙鼎臣

咸淳七年張鎮孫榜

徐卿弼

陳騰龍

甯子真

宋和州登科題名為紹定元年王相記上官渙酉正書始天

聖二年宋郊榜朱瑩終咸淳七年張鎮孫榜甯子真今以州

志選舉表校之如劉公晉丁興祖宋汝明等三人列於紹興

四年而碑則為紹聖四年上官祝沈虞卿二人列於重和元

年而碑則為政和八年其題名朱畧碑作朱畧張衡碑作章

衡齊湛碑作齊謹葉洽碑作葉祖洽賈安澤碑作賈安宅朱

傳碑作朱疇陳嘉謨碑作陳嘉謀王知章碑作王知彰王昂

碑作嘉王均可證州志之誤

唐李翰林祠記 在當塗縣北二十里

八行 行高 三尺五寸 廣 二尺一寸 三寸 正書 十

唐李翰林祠記

額高 六寸 廣 一尺一寸 分行 三字 五分 書

余治郡之二年防禦使王侯明護寒犀渚江波不動烽燧不驚鎮

以無事顧瞻唐李翰林墓下祠宇庠陋弗稱揭虔三年春撤口新

之築亭其旁高明顯敞足為游觀者吟眺之勝聞與見知咸咨嗟

歎異謂侯能爲人所未暇爲之事是可善也余曰太白□名在天  
地間猶青天白日鳳凰芝草孰不知爲美瑞何待騷人墨客始知  
敬耶又世之論太白徒知錦繡心口明月肺肝才思清新歌詞婉  
麗獨步當時然此餘事爾方高力士駮貴公卿大夫爭相取容惴  
惴然恐失其意而太白使脫鞞殿上奴視弗顧可謂氣蓋天下矣  
士以氣爲主脂韋軟熟脅肩諂笑同流合汙者氣之不足也富貴  
不能移威武不能屈稱大丈夫者氣之所充也使太白得時行志  
寄命託孤臨大節而不可奪非斯人吾誰與昔畢文簡以王佐期  
之豈過論哉晚歲脫屣軒冕縱情詩酒樂天知命遺形釋智澹乎  
若深淵之靚泛乎若不繫之舟飄然超世之志曾不以生死動其  
心未可以清狂少之也余遂書其事俾刻諸石且撫杜少陵春日  
憶白之句名其亭曰暮雲紹定三年三月旣望朝奉大夫直寶章

闈知太平州軍州兼管內勸農營田事節制本州屯戍軍馬古欵

汪 綬 謹記

左武大夫郢州防禦使 特差江東路鈐任責建康府太

平州兩節制司水軍總轄王 明 立石

當塗楊口之刊

勅賜褒忠廟牒 在石埭縣丁恭愍公祠

拓本下截殘缺高不可計廣三尺七寸牒十行字不  
等字徑四分正書批答行書額二字平列字徑五寸正書

勅黃

尚書省 牒

禮部狀承禮   承司封關准嘉熙元年柒月柒日勅 尚

書省送到宣奉大夫新除國           使

衛大將軍  都   馬步軍副總管   成都

潼川府利州等路捍禦權成都路提刑兼府事節制軍馬賀靖狀

申照會靖近因寇賊攻破成都退遁之後准四川制置使司玆聖

□便宜指□□其於拾壹月貳拾伍日到成都府兼權成□□路

提點刑獄公事成都府置司□□府事指置西蜀節制□□捍禦

軍馬已節次開具經理事件奏申朝廷外所是四川制置副使權

工部侍郎丁少卿未見存亡所在靖分頭差人前往逐處探尋去

後今據丁副使□甥王桂進勇前四川制置副使司幹辦公玆靖

照得制副丁侍郎□□賊侵犯成都府與□□□□□□□於

□事委見心節顯著靖除已保□朝廷推恩外申□照□今開具

下項一□奏□□□春□□城王桂進勇申陳乞照會桂靖□翼

氏四川制置副使丁侍郎來副蜀閬不意端平叁年拾月內被賊

攻破大安宣透利闐分寇潼遂緣制副司所管諸軍除玆時成都

僅有牌手□□制副司帳前衛兵參伯人緣本府□□□□險

可恃□□□拾捌日□□□阡騎自潼川路猝至城下牌手出

□□被殺傷至拾玖日早遣統制徐信帶領衛兵牌手再出大東

郭門交戰不利午後收餘兵遣統領楊榘出戰大安門戰又不利

於當日之貳更又報□續有後領伍阡餘騎自金堂路缺大寨是

時舅氏丁副使之痛念成都係西蜀重地豈容委去堅欲固守間

不謂□□□兵入城遂呼集將士重支賞犒各謂官資以激勵其

□□至□更欲取路大南門與□巷戰至石筍街不料□□重共

謂□戰交鋒鏖戰各有殺傷緣我軍力寡不敵遂致擊散止有統

領楊□□人隨丁侍郎被圍在金花街菜園田中無缺克敵□統

□□榘進義皆死桂身上被兩箭死而復甦間楊大異□□嘉

定申明臺府又有成都通判李中行黃□□□茂實皆得□免



聖慈特降  睿旨下  司  丁黼侍郎優加褒贈仍與給賜

施行庶幾以為挺身徇  國  節死義者之勸伏候  勅旨 某月

某日三省同奉

聖旨於常行贈官外更   贈肆官顯謨閣學士及於合得致仕

遺表恩澤外更與兩子京官恩澤仍賜謚立廟奉  勅如右牒到

行前批    時付吏部施行仍關合屬    賜謚

立廟不屬本部關部請照應今來  勅命指揮從  一面施行關

部逆從  勅命指揮施行尋連送太常寺據申去後今據本寺  缺下

勅命指揮擬賜廟額    忠廟為額合行降勅所有賜謚一

節本寺乞行下本家取索行狀下寺以憑擬撰施行伏乞省部備

申朝廷

旨賜額施行由部本部   太常寺申到事理備錄在前伏乞



朝廷指揮施行伏候

指揮

牒奉

勅宜賜褒忠廟為額牒玉準

勅故牒

嘉熙貳年伍月

日牒

叅

知

政

事

李

叅

知

政

事

史

知樞密院事兼叅知政事李

左丞相肅國公

疏廣戒子孫語在當塗縣蓋太平府學

經三寸高四尺六寸廣二尺八寸七行八分正書字

疏廣辭太傅歸趣賣賜金日與族



盧坦為河南尉時杜黃裳為尹  
坦立堂下曰某家子與惡人游破  
產蓋察之坦曰凡居官廩雖大臣  
無厚蓄其能積財者必剝下以餽  
之如子孫善守是天富不道之家  
不若恣其不道以歸於人黃裳驚  
其言自是遇加厚

張安國書何同對刻石於

浙西憲治慶元丙辰孟夏

劉處仁俞黃刊

按盧坦對杜黃裳語張安國正書慶元丙辰孟夏何異同叔刻

於浙西淳祐辛丑孟夏陳壇同疏廣戒子弟語對刻於明清

堂蘇唐卿篆書竹鶴二大字碑陰今在蘇州舊府學此為後

五年再對刻於當塗道院也

勅賜英烈廟牒 在當塗縣北二十里萬山

拓本高七尺五分廣三尺六寸八行行  
一百十九字字徑五分牒正書批答行書

### 尚書省牒

□□□□都□批下太平州狀據本州沿江士民等參百人列狀

□幼聞父兄及鄉里耆老言 紹興三十一年歲在辛巳逆亮寇

邊席卷長淮直□江□與采石對壘□日為□江□鼓聲動地□

□□□□□□對自揚州移轉□□□使□□北走□□□□

□□上下背□□□三軍皆為遁計□□□□自□□來犒師

奮發忠義軍□賞罰躬率張振王琪盛□時俊等諸將收拾步騎

陣列江上分布戰艦守把隘口以海馱舡趨中流以神臂弓射北

□□國期□盡力死□虜□一舟出江悉被勦蕩虜並□□□  
□□遂□江□之民死中得生非虞公之功而誰□雖晨香夕□  
比屋□□不足以□□□□十餘年迨泰定丙子江東李  
□□請本郡守滕宗卿始為公建祠立碑至淳祐己酉池州虞  
通判請于沿江其制使迺聞而□之又為□□□□與碑皆  
附屬于廣濟院僧廬□州□人□□□□□□廣□入朝  
廷特賜廟額□□邦民其□旌勵忠節不為無補光祖□覽民□  
□□□□□□□□即有非常之事□必有非常之人有以禦之有  
非常之功□必有非常之賞典以報之當紹興辛巳之秋狂  
虜如飄風暴雨之條至江南之勢不啻累卵之危所賴雍國忠  
肅虞公歸然一□乃於江間躬身督戰指揮將□□□而虜勢  
已退□□□□□□□□□□幾潰而復起幾亡而復□□□

□□□□□今日賈嘉頴焉雖公之勲勞在王家德業在天下書之史冊勒之鼎彝殆不止是然采石之功實為中興第

一夫德施於民則祀之以死勤□以勞定國能禦大難能捍大患

則祀之公亦無愧於此矣當諸葛亮之□所在□□立廟□□抗

□□□□□所以存□□功遂詔於□□□□陽及出師

元兵之地也然則雍公因其功而祀即其地而祠其可闕典於

采石牛渚之間乎數十年來本郡太守□沿江之制□□公之祠

於蕭寺紀公之績於堅珉□無憾矣然而□□浮圖□□□□

□足以昭社稷之報激忠義之心謹以當時□虜瞰江張振以

遊□軍統制戰禦有功既□□□于□於是賜廟額為忠勇又

按□紹聖壬子□據城叛馬進以慈湖軍籍挺刃斫賊以死郡守

上其事於是賜廟額為登勇然振特公之部曲耳進乃郡之校



□本州係是自行申到即□□□本路運司保奏致□寺未敢擅

自擬封今欲勘當伏乞省□備申朝廷如後今來本州所乞候批

今狀下日行下本寺以憑擬賜廟額施行申部奉書判備申本部

所據太常寺申到事□備錄在□□事理□□□□□□□

□□□□□□□□□□□□□□□□□□□□□□□□□□□□□

指揮又後批送禮部從勘當到事理施行準此本部所準批下上

件事理尋連送太常寺遵照都省批下事理施行具狀申部去後

今據太常寺申□□□□□□□□□□具月□校準慶元祀今諸道

釋神祠祈禱應驗謂功跡顯著□惠及民戴於祀典者□□官爵封

號廟額者出具事狀保明申轉運司本司委隣州官躬親詢究□

再委別州不干礙官覆實訖具事實保奏今準連送下准都省批

下太平州狀據本州沿江士民等叁百人列狀乞與雍國忠肅虞





指揮

牒奉

勅宜賜英烈廟為額牒五碑

勅

□牒

寶祐叁年正月

日牒印

□知政事董

正

知樞密院事兼叅知政事徐

人

左丞相惠

國公

作

重建太平州學記

在當塗縣舊太平府學

拓本高五尺七寸五分廣三尺三寸五分  
分十八行行四十六字字徑一寸正書

篆書自平鄉學堂記

蓋高一尺三寸廣二尺六寸平  
列四行行二字字徑五寸篆書

太平州重建學記

寶祐二年太平州學講堂火於是歲除日矣  
府公大資政聞而

遽至立于禮殿之北墉以過其炊吏士奮力卒保寧  
元聖之居明日公帥僚吏諸生旦謁論于衆曰斯文未墜其危乃  
允撤毀圖新今我敢後乃命畚瓦礫畫閒架須材召工次第屬後  
公以俸金五萬緡米千石倡其費益以少府錢十萬事義而果趨  
者皆竭作倍他日樅斲塗葺俄而丹雘傳焉越暮春  
宸章之閣復禮進德兩堂皆儼然復備煥然改觀於是郡博士杜  
君林與學之士相與德公之賜也合辭來請予文以詔其廢興予  
惟吳公以雄才偉量負開濟之望殿邦牧民率先教化今以數畝  
之費舍視成於旦莫在公特其餘事然予觀於今之世事之壞爛  
頽廢不克振起者何可勝筭未必皆其勢之所無可奈何蓋上下  
悠忽而無惻怛痛疾之念覆蕩者其力彊而建立者其志劣也古  
稱吏之逸德烈于猛火豈虛也哉誠使人懷忠壯隨僵仆而興植

之不少暇皇如公之於此學則西北邊創殘之郡縣何至曠二十  
年委於荆榛狐兔而不一動其心乎故是舉也雖在公為細然持  
一念之烈以整頓六合則所謂大者亦以是心為之而已矣於惟  
此邦先正肅公嘗辱臨之詩書之澤其流者長蔽芾甘棠今為  
高木一翁二季麾蓋相望公之作填於焉三至拊循其人如古侯  
國巍巍儒宮不忒于燼適當公世理若有屬抆焚未幾厦成已賀  
其興也勃厥有以哉昔魯僖公能修泮宮詩人頌之其辭有曰允  
文允武昭格烈祖謂其能修魯公伯禽之法也公之對越于前聞  
人豈異是歟若夫濟濟多士克廣德心此士之所當自力以接公  
之賜也予聞之善成於剏果過積於因循不遠之復顏氏子之所  
以殆庶幾也今夫屈折於利欲邇回於舊習曠其安宅廣居而不  
能自反者驟而遊於新學蓋亦有所感慨而興起也夫博士幸以

為然則顛以此書諸石府公名淵字道夫由正肅而來惠利于多

士者先後不一有職方之志在此不悉書三年三月戊申奉議郎

秘書郎兼國史實錄院校勘兼資善堂直講番易湯漢記奉

議郎主管華州雲臺觀葉隆禮書朝請郎主管台州崇道觀鄭楚

題蓋從政郎太平州學教授杜林立石

文公朱先生白鹿書堂規在當塗縣舊太平府學

拓本高五尺四寸廣三尺二寸兩截刻上規下記規十六行行二十十字字徑一寸五分記十六行行十六字字徑一寸均分書

文公朱先生白鹿書堂規

額高一尺二寸廣二尺三寸平列五行行二字字徑四寸分書

父子有親君臣有義夫婦有別長弟有序

朋友有信

右五數之目堯舜使契為司徒教數五數即

其具也學而學之而已其所自學之之序夫

有五焉其列如左

博學之心

審問之心

謹思之心

明辨之心

篤行之

右為學之序學問思辨四者皆所以窮理也

若夫篤行之事則自脩身以至於親事接物

矣各有要其列如左

言忠信

行篤敬

懲忿窒慾

遷善改過

右脩身之要

正其誼不謀其利

明其道不計其功

右處事之要

謀勿施於人

行有不得反求諸己

右接物之要

下截

熹竊觀古睦賢所以教人爲學之要使人  
講明義理以脩其身然後推以及人非徒  
欲其駉記覽爲詞章目鈞戲名取利祿而  
已也今之爲學者既反是矣然睦賢可以  
教人必務其存於經有志之士固當熟讀  
深思而明辨之苟知其理之當然而責其  
身心以然規矩禁防之具豈待他人設之  
而後有所循哉近世於學有規其持學者  
爲已凌矣而其爲法又未□□人之意也  
故今來復以施於此堂而特□凡睦賢所

以爲學之大端條列如右而揭之楮間諸  
君其相與講明而遵守責之於身焉則亦  
思慮云爲之際其所以戒謹而恐愆者必  
有嚴於此者矣其有不然而或出於此言  
心所矣則復所謂規者固將取之不可得  
而略之諸君其念之哉

右 文公朱先生白鹿書堂規也 先生守南康日雜

采古聖賢語條列於分揭示學者且叙其大意以警教

之柔勝生晚學未聞道然於此竊有志焉揭來當塗旣刊

語孟集註于郡齋復爲隸古刻此于石以廣其傳學者

誠能屏去口耳之習循序力行而體之於身則爲學之

大端要不外此凡我同志尚勉之哉後學吳柔勝謹識



寶祐乙卯夏五後學杜林重立石

府判廳石刻在鳳臺縣

石高一尺八寸廣一尺三行字大小不等正書拓本未見據鳳臺縣志錄入

帳前撥發官缺字甚漫漶似文貴提振官戴文祖缺興謝本濠

寨孫林孫府僉康津缺梁汝明寶祐三年九月日分認四

丈

寶祐宋理宗年也宋自端平後蒙古構釁河淮無寧日寶祐二

年冬蒙古張柔以連歲勤兵兩淮艱於糧運奏城亳州據之下

蔡去毫近當戍兵防禦此碑勒於次年九月其防禦官吏與未

署分認四丈殆募充者而勒石於碑示不詭避猶見中原人之

抒忠於宋也蕭景雲記嘉慶李兆洛鳳臺縣志

重立進士題名記在當塗縣舊太平府學

拓本高四尺四寸五分廣三尺七寸六分截刻上記下題名正書  
十八行行十五字字徑六分題名四行行字大小不等

當塗郡學題前進士名舊矣寶祐甲寅

歲除日燬于火越明年校官金華杜君

林琢石新之既又合在泮之士屬子才

記成事惟進士題名昉於唐然唐故事

實在慈恩寺非特進士然也今專刻真

學宮何居曰重之以示勸也士方驚於

進惟科目之為重又以是勸殆誘之以

利也而可乎曰不然科目雖非古而貢

必於其鄉則猶古也曰行曰藝舍學何

以我繫之於學示必有本固所以勸也

且當塗古鎮成之國入

國朝運際文明多士秀發自祥符建

中訖于淳祐進士之可攷者凡八十有

五人冠大廷者有之中詞科者有之錄

舍選解褐者有之而仕亦多顯聲聞流

行究于今昔往往與它郡相頡頏是雖

山川風氣之胚暉

列聖人文之賁飾然亦學之教之之功

也杜君旣新其學又補是刻之闕以興

多士庶幾知所本者於是杜君且授代

去而孳孳如此其所以望于士者為甚

厚是邦之父兄子弟尚勉之哉夫所謂

學者雖不以利達為心然天爵旣修人

爵自至異時繇此而選視昔有加雖盡

青山之石不足以紀之豈止為科目之

榮而已子才假守于此得之自擊敢援

笔大書以侈斯美良月既望陵陽牟子

才記

從政郎太平州學教授杜林謹書并立

第二截

大中祥符八年蔡齊榜

郭維

寶元元年呂臻榜

郭經

王顧

慶曆二年楊寘榜

周景臣

慶曆六年賈黯榜

王逢

王茂

皇祐元年馮京榜

石禹勤

郭緡

嘉祐四年劉燁榜

羅彥輔

嘉祐八年許將榜

張毅

熙寧三年葉祖洽榜

張崇

宋景瞻

熙寧六年余中榜

俞仲翁

熙寧九年徐鐸榜

胡勳

徐

德壽  
御名

元豐五年黃裳榜

郭蒙正

褚景文

元豐八年

焦蹈 第一人

紹聖元年畢漸榜

徐迪

紹聖四年何昌言榜

褚英

元符三年李釜榜

石急

再中博學  
宏詞科

崇寧二年霍端友榜

宋直方

改名惠直  
再中博學宏詞科

崇寧三年釋褐

趙滋

第三截

崇寧五年蔡薳榜

胡子

大觀三年賈安宅榜

吳民瞻

楊通

徐源

政和五年何棗榜

俞次昉

儲敷

政和八年嘉王榜

董嘉

宣和三年何渙榜

湯克忱



李權  
上舍

宣和六年沈晦榜

胡憇

儲宏

丁孚

蔡擇言

唐敏求

趙衛

紹興五年汪應辰榜

曹筠  
待制

紹興八年黃公度榜

石邁

紹興十五年劉章榜

曹明之用開封府貫

紹興二十一年趙遠榜

劉汝霖

韓泳

紹興三十年梁克家榜

方汝彊

乾道二年蕭國梁榜

杜炎甲科

張經

李容

乾道五年鄭僑榜

孫世臣

陳濬

第四截

乾道八年黃定榜

張綱

淳熙二年詹駉榜

胡思誠

程準

強振

淳熙八年黃由榜

張雱

淳熙十一年衛涇榜

辛克承

褚孝錫

王相

李唐佐

淳熙十四年王容榜

章相

紹熙元年余復榜

王樞

蔣昌時

紹熙四年陳亮榜

尹俟

慶元二年鄒應龍榜

何大節 國學

嘉泰二年傅行簡榜

趙希翹

開禧元年毛自知榜

夏深源 弟應龍

嘉定元年鄭自誠榜

姜得遇

嘉定四年趙建大榜

崔起之

嘉定七年袁甫榜

徐起之

夏應龍

嘉定十年吳潛榜

孫應成

省試前  
十名

嘉定十三年劉渭榜

侯成大

滕茂實

嘉定十六年蔣重珍榜

吉邦憲

內舍  
子萬石

第五截

寶慶二年王會龍榜

趙銘夫

趙嶢夫

紹定二年黃朴榜

陶熾  
上舍

盧選

紹定五年徐元杰榜

江應陶

端平二年吳叔告榜

趙正大

嘉熙二年周坦榜

李倫

淳祐四年留夢炎榜

李夢蔣  
省試前  
十名

趙崇涉

崔大輝

淳祐七年張淵微榜

吉萬石

寶祐元年姚勉榜

方應龍

係淳祐十年過省

寶祐四年文天祥榜

李時中

開慶元年

周震炎

第一人

薛斗祥

滕岳

省試經魁

景定三年

石英發

國學咸淳元年阮榜



咸淳元年阮登炳榜

陶應雷

第六截

咸淳七年張鎮孫榜

陳鉞

宋奮午

衡山澄心院捨山記 在當塗縣

拓本高五尺廣二尺六寸二分  
五行行四十七字正書顏篆書

衡山澄心院捨山記 衡山於姑孰為名山在郡城之東六十里

山之麓古僧坊曰澄心院即故隱居院也院即□貞白先生書堂

舊址隱居所以賓其實也摩挲蘇刻謂先生樂之墓于此山之下

翳然林莽間鬣封壘二相傳為陶氏墓疑即其處院平湖橫其前

鏡如也羣峯環其後屏如也突兀老蒼千夫拱立餘研蹲伏百鬼  
獻奇雨態烟顏月痕風調有古意有壯氣有妍靚娟好貌有六律  
五聲八音錯奏樂有萬幅鶴溪絹水墨圖蓋椽奇擘勝據其會而  
專其有者也院之東曰十保山者民業也其主名為八家者十而  
氏夏氏趙氏陶居多焉主教席普春立堅忍心持因果說日旬請  
於其門善機感觸響會翁如共呼蒼頭拭瓦研磨松煤大書為券  
名氏鴉塗盡紙尾杖者奉以歸普春普春合爪稱謝再三還以示  
其徒口三慙愧不能休亟持上麗乞志章以識己迺謁賢寓褚公  
坦之圖為世二萬佛燈計公樂善好義為請于邑大夫夏公武昇  
公文為質又謂不可無以紀事始傳不朽介公書來謁記辭不可  
因語之曰汝祖師忍窮刻苦幾槁死俱把茅蓋頭屋百楹乎茅廬  
穴膝坐重茵乎深崖層嶽卓錫立道場為修行為說法耳樵蘇之

不給菟牧之不禁暇憂乎哉汝今得此山一木一石灑然清淨一  
喙一蹄快哉極樂汝能向丹竈悟病死苦粒砂入口煩惱頓息汝  
能向五井識無垢淨滴水下咽熱沸盡洗汝能向月池舉揚空明  
圓覺不二法門心心相印無諸障礙大千沙界盡起善念作善事  
成無萬數佛子矣不然澗愧林慙佛訶祖罵奈之何普春唯唯而  
退雖然此瞿曇氏說也余復於是深有感焉貞白之在梁藉使朝  
不食夕不食至不能出門戶有能憐而食之者乎無也今其讀書  
荒址為浮屠居則有協衆心捐一山供其香積炊者異哉今之不  
古若也賢人才士與凡學孔氏者寔於我隣瘠於我里飢餓於我  
土地寸縷圭黍靳不能割用黃面老子法款其門則嚮赴惟恐落  
人後有能移是心慕吾所謂道吾徒當無拾橡實垂鷄結僵卧雪  
屋下者雖然餓死事小失節事大世之賢人才士與凡學孔氏者

必毋以此乞憐要官巨室則其心泰然其氣浩然其體舒舒然何  
往而非自得之境奚有於晉春之立心之持說者哉噫一法通萬

法同普春其母駭余言寶祐丙辰八月初吉謹記 太學內舍正

奏名杜子源謨 迪功郎新差充和州州學教授李仲龍書從政

郎宜差監行在雜賣場兼尚書省印契局褚坦之篆額 開具

捨山檀越名御于后 趙元亨趙宗達趙文亮楊進聰楊進興夏

端夏興邦夏壽年夏文亨夏文高夏文可夏恭敬夏忠太夏彥圓

夏瑫夏大興夏子瑫夏安勝夏子明夏文甫夏施彥夏施和夏施

臨夏施敬夏施俊夏施瓊夏施秀夏施平夏施亨夏施崇夏施澤

夏施宗夏施新夏施祖夏施成夏施津夏施圓趙公濟趙公勝趙

元勝趙元達趙元通趙元德趙宗諒趙時舉趙壽趙伯通趙大新

趙宗勝趙宗彥趙大全趙世成趙文廣趙大聰趙壽全陶景宗陶

文廣陶應龍陶恭慶陶大彬陶恭敬陶誥之陶大之陶大言陶大

全陶大餘陶大彪陶時賢陶時言陶壽圓陶茂青陶万五夏彥明

夏陶從陶之德陶子旺陶伯成陶世旺陶世成陶伯榮夏陶亨夏

陶明夏陶滿夏陶永夏彥夏陶興夏王忠夏王春夏王成夏德才

夏程進夏圖陶時達陶時政陶文舉陶之慶州學學諭戴元德

同勸化山前任持僧普能普昇

都勸緣捨山檀越夏興邦夏文甫趙元亨趙元勝都勸

緣住持普春立石本州石匠作頭許惠刊

太白脫鞞圖贊在當塗縣舊太平府學

拓本高四尺廣三尺二寸上贊下圖贊十二行廿四行十字字徑一

脫鞞圖

額高一寸二分廣二尺平列三行一字字徑四分篆書

錦袍兮烏幘神清兮氣逸

凌轢兮萬象麾斥兮八極

我思古人伊李太白孰爲

使之朝禁林而暮采石也

其天寶之嬖倖歟疏摘詞

篇浸潤宮掖吾觀脫鞞之

圖未嘗不嫉小人之情狀

而傷君子之踈直惟公之

高躅兮霍神龍之不可以

羈繼矧富貴如敝屣兮其

得失又何所欣戚也陵陽

牟子才贊

右太白脫鞞山谷返權二畝石刻宋郡守牟子才所立舊在學宮  
牆傍歲久苔蘚剝蝕往來者漫不加視予守姑孰四載因公旁午  
未遑易置他所乃者成化紀元之六年夏四月監察御史臨江張  
公敷按臨三日視學徧閱諸舊石刻偶見是碑遂命舁置集賢門  
內亭以覆之予承命值舊積有材木鳩工惟嚴不日亭告成噫李  
黃諸公邈不可作矣而我侍御公乃能景行高躅卷卷於是碑其  
可尚矣夫因拜手識于左方

嘉善施奇識

余承乏姑溪半載鹿麋簿書不暇蒐訪前哲碑蹟幾令寒石笑人  
俗吏矣近偶與郡學博士宋君驥談及云學宮集賢門內地有宋  
牟存齋先生脫鞞返權二圖石刻久蝕土花因命工蒐滌仍立舊  
處先生立朝梗槩嘗從史書尚友得之今視此二刻圖贊其剛風  
正氣彷彿當年掀髯奮筆時也爰勒數語以志景慕康熙癸丑如

月上澣前一日古丹陽尹楚蒲騷寇明允識

牟存叟端明守當塗日郡圃有脫鞞亭以謫仙米石得名存叟

繪以為圖又以山谷崇寧初守當塗方九日而罷蓋坐嘗作荆

州承天院塔記轉運判官陳舉承執政趙揆之風旨摘其間數

語以為幸災謗國除名謫宜州遂作返擢一圖以為對各係以

贊未幾流傳中都時相丁大全內使董宋臣聞而惡之遂摺撫

其在都日餽遺過客錢酒等物並指為贓下其所居郡監逮甚

嚴自此朝紳結舌馴致開慶之禍焉二贊削橐久矣余偶得之

脫鞞云云返擢云云予嘗謂山谷初以言語掇禍公又以山谷

得罪是始有數然清名照映於二百年間士之生世亦何憚而

不為君子哉

周密齊東野語

右脫鞞返擢二圖并贊在安徽當塗據返擢圖後有至元戊寅



牟應復跋云于今八十三年則刻石當在寶祐四年訪碑錄列  
于五年非也牟子才并研人遷居吳興宋史本傳不載返權圖  
惟稱子才在太平建李白祠自為記云云又寫力士脫鞵之狀  
為之贊而刻諸石今祠記碑佚而圖贊多出一碑則史文有詳  
略子才子嶽有陵陽集廿四卷今僅見寫本孫應龍元史有傳  
與歸安尹應復為昆弟行明史忠義傳有牟魯烏程人是牟氏  
為吾鄉舊家然余與同縣居而親故中無牟氏未識今尚有後  
人否也

嚴可均鐵橋金石跋

右圖宋知太平州牟子才刻石有贊宋史子才在太平建李白

祠自為記又寫此圖為之贊屬有拓本遺董宋臣宋臣大怒持

二碑泣訴於帝祠記久不存此碑在學宮牆傍明成化六年提

學御史張敷移置集賢門內知府施奇紀其事於左方其下又

有康熙癸丑寇明允題字錢大昕潛研堂  
金石文跋尾續

按董宋臣宋史宦者有傳嘗與丁大全表裏為奸故見此二碑

而怒碑今與黃山谷返擢圖李陽冰當塗縣三篆字洪邁瑞麻

圖贊姑孰帖存石十段並太平府學教授丹徒進士張啟圖桂

山收拾整理嵌置尊經閣牆壁間古物得好古人愛惜庶幾常

留天壤余於道光壬辰親詣閣下命工摹搨深為此數碑幸而

歎桂山之胸次高邁大遠於俗吏之為之也趙紹祖安  
藏金石略

山谷返擢圖贊在當塗縣舊太平府學

拓本高四尺廣三尺二寸上贊下圖贊十二行行十  
字字經一寸半應復跋六行行二十三字均正書

新耀圖

額高九寸二分廣二尺平列三  
行行一字字經四寸五分篆書

幅巾兮野服貌腴兮神肅

孤騫兮風雅唾視兮爵祿

我思古人伊黃山谷曷為

使之六年焚道而九日姑

孰也其符紹之朋黨

歟組織寺記指摘實錄吾

觀反擢之圖未嘗不感君

子之流落而痛小人之報

復惟公之高風兮渺驚鴻

之不可以信宿矧吾道猶

虛舟兮其去來又何所榮

辱也陵陽牟子才替

先祖存齋先生立朝剛正忤閹宦董宋臣以集英殿修撰出守姑

孰作脫韉返權二圖以寓意宋臣益怒乃罷郡去理宗悟召入真  
拜翰林學士有奏疏十卷後以瀆政殿大學士致仕贈光祿大夫  
謚清忠公于今八十三年矣不肖孫承

行省命監督海漕敬奠祠下摩挲石刻瞻拜而去元戊寅五月  
孫承務郎湖州路歸安縣尹無勸農事年應復謹識

右圖亦子才所刻子才之孫應復元時為歸安縣尹承行省命  
督海漕至太平路題字左方子才以資政殿大學士致仕史但

稱學士其謚清忠史亦未載應復以重紀至元戊寅歲留題云

於今八十三年則二圖以寶祐四年刻石矣

錢大昕潛研堂  
金石文跋尾續

按應復跋云卒謚清忠公於今八十三年矣恐是子才之卒在

寶祐五年非指立碑年也子才罷郡在寶祐三年入為翰林學

士以至致仕與卒皆一二年間事耳當塗縣志謂此二碑乃子

才七世孫夢陽所刻碑近在學宮何不審視而憑空撰出如同

噬語可異也

趙紹祖安  
藏金石略

咸淳戊辰同舍姑孰序拜題名記 在當塗縣舊太平府學

拓本碑連額高四尺四寸五分廣二尺十二行行二十八  
字字徑寸許行書額六行行二字字徑二寸八分篆書

咸淳戊辰同舍姑孰序拜題名

咸淳四年冬十有一月丙辰日南至於廬山相公以三印填當

塗八閱月矣屬吏賓客多異時館下諸生則以明日合拜于學宮

如齋序使者以公命未致餽退又相與讌飲於貳車之堂公意也

先是將作監簿廬山呂圻正父留公館至除繫昌宰柯山程燧仲

照文學掾桐川趙宗鑿養大適來四方之過客則合陽侯燿季立

間中吳萬里友直廬陵易應旗紀常金陵湯勝開國宿歷陽戴應

星斗南三蓋漕掾則會稽黃雷震伯甫田黃以故伯謙廬陵劉辰

翁會益茶鹽則三山潘昌廷孔時永嘉孔夢斗元極郡負外文學  
 則天台戴覺民希尹倅則四剛戴鑫淳父會替孫炳炎□晦淳父  
 東廳也以齒則東聽長主東聽酒酣樂作長者道舊少者述聞莫  
 不幸清時之無虞詠我公之道德期風聲於遠者徵字名以相示  
 明日公聞之猶以伯謙拜而辭飲舊繁昌古鄧劉應老聲伯在事  
 而不及會為有闕蓋其樂士之盛甚於士之樂云又二日庚申書

趙公墓碑在貴池縣

拓本高四尺五分廣二尺六寸二截刻上截牒三十六行行二  
 十二字字徑六分下截宋史本傳二十五行行十九字字徑九

分均  
正書

勅

殺身成仁孔子明計舍生取義孟氏格言既克著於精忠其可無

於卹典朝請郎權通判池州軍州兼管內勸農營田事趙卯發志

存報國義不辱身方□騎長驅欲遂骨降之計惟監州不屈獨堅  
守死之心言言大節之可書凜凜英風之不泯用加褒贈以慰忠  
忱升之次對之班畀之□子之澤賜謚以旌其美立廟以妥其神  
非惟表人生之□三亦以愧臣子之懷二固知先軼儼然面貌之  
如生意□張巡能為厲鬼以滅賊庶幾精爽尚克敵承可特贈華

文閣待制奉

勅

如右牒到奉行

德祐元年六月十四日

平章軍國重事 燭

左丞相都督諸路軍馬 冝中

右丞相都督諸路軍馬 夢炎

參知政事廷芝

僉書樞密院事兼權參知政事斯得

兼給事中鏞

六月初四日午時都事陳南受

吏部員外郎兼左司王 付吏部

平章軍國重事

左丞相都督諸路軍馬

右丞相都督諸路軍馬

參知政事

僉書樞密院事兼權參知政事

吏部尚書

吏部侍郎



告故朝請郎

贈華文閣待制

趙卯發 奉

勅如右符到奉行

主事

令史

主管院 其書令史

德祐元年印六月十四日印下在下截

宋史本傳

趙卯發字漢卿昌州人淳祐十年以上舍登第為遂寧州司戶潼

川僉判宣城宰素以節行稱中被論罷咸淳七年起為彭澤令十

年權通判池州大兵渡江池守王起宗棄官去卯發攝州事繕壁

聚糧為守禦計夏貴兵敗歸所過縱掠卯發捕斬十餘人兵乃戢  
明年正月大兵至李王河都統張林屢諷之降卯發忿氣填膺瞠  
目視林不能言有問□視身之道者卯發曰忠義所以視身也此  
外非臣子所得言林以兵出巡江陰降歸而陽助卯發為守守兵  
五百餘柄皆歸林卯發知不可守乃置酒會親友與飲訣謂其妻  
雍氏曰城將破吾守臣不當去汝先出走雍氏曰君為命官我為  
命婦君為忠臣我獨不能為忠臣婦乎卯發笑曰此豈婦人女子  
之所能也雍氏曰吾請先君死卯發笑止之明日乃散其家貲與  
其弟姪僕婢悉遣之二月兵薄池卯發晨起書几上曰君不可叛  
城不可降夫妻同死節義成雙又為詩別其弟兄與雍盛服對縊  
從容堂死卯發始為此堂名可以從容及兵至遽領客堂中指所  
題扁曰吾必死於是客問其□曰古人謂慷慨殺身易從容就義

難此殆其兆□卯發死林開門降大元丞相伯顏入問大守何□  
左右以死對即如堂中觀之皆歎息為具棺衾□葬於池上祭其  
墓而去事聞贈華文閣待制謚□節雍氏贈順義夫人錄二子為  
京官在二截

此池州死事趙卯發通判贈華文閣待制勅兩截刻上制下宋

史列傳正書卯發事蹟傳已詳載按宋史瀛國公紀德祐元年

二月大元兵入池州權守趙卯發自經死四月壬寅贈趙卯發

華文閣待制此碑繫之六月十四日與史不符然牒後繫銜平

章軍國重事煇為王煇左丞相都督諸路軍馬宜中為陳宜中

右丞相都督諸路軍馬夢炎為留夢炎參知政事庭芝為李庭

芝僉書樞密院事兼權參知政事斯得為高斯得兼給事中鏞

為黃鏞而煇宜中庭芝拜命均在六月是四月贈官至下行則

六月也宋史修成在至正五年此碑疑元末所刻

劉世珩貴池金石記

偽齊

特封崇惠侯為顯濟王勅在宿縣相山

拓本高一尺一寸廣三尺六分十一行字徑一寸行書題名一行字徑四分正書

勅

崇惠侯名山之神能興雲雨利及一方者皆國家所宜封崇

之俾永庥于斯民也惟神廟食既久靈貺屢彰比以旱災郡人致

禱沛然應感豐穰有望爰加徽數超進王封享此休嘉益宣厥惠

可特封顯濟王

阜昌二年十一月十二日

秘書少監兼權中書舍人權直學士院臣范恭行





